

四庫全書

經部

欽定四庫全書

古經解鈎沈卷二十二

長洲余蕭客撰

春秋公羊傳

公羊

序子夏傳公羊高傳其子平平傳其子地地傳其子敢敢傳其子壽至漢景時壽乃與弟子胡母子都著以竹帛其後傳董仲舒以公羊顯於朝戴宏序

讀書

志三
玉海四十
戴玄傳序

山堂考索
前集六

孔子自因魯史記

而修春秋制素王之道盧欽序

宋本春秋
疏一

昔孔子受

端門之命制春秋之義使子夏等十四人求周史記

得一百十二國寶書九月經立閔因敘

疏一

解孔子將修春秋與左丘明乘如周觀書於周史歸

而修春秋之經丘明為之傳共為表裏嚴氏春秋

宋本

春秋
疏一

治公羊者胡毋生董仲舒董仲舒弟子嬴公

嬴公弟子陰豐劉向王彥鄭玄六藝論

序多隨二創

公羊先師說公羊義不著反與公羊為一創賈逵緣

隙奮筆奪之與公羊為二創舊疏

並序疏

隱公

元年經春王正月

此春秋五始三科九旨七等六輔二類之義以矯枉撥亂為受命品道之端正德之紀也何休文謚例

疏一

五始者元年春王正月公即位是也七等者州國

氏人名字子是也六輔者公輔天子卿輔公大夫輔卿士輔大夫京師輔君諸夏輔京師是也二類者人事與災異是也同

玉海四十

傳君之始年也

君者臣之天也何休墨守

宋本文選注三十七

為桓立也

隱為攝位周公為攝政雖俱相幼君攝位與攝政異

也鄭玄發墨守

宋校宋本禮記疏四十一

褒之也

儀父附庸之君非有勤王之善縱其自通於大國亦

自利爾有何可嘉而字褒之乎趙匡春秋集傳

孫覺
春秋

經解

一

經鄭伯

桓公國在宗周畿內武公遷居東周畿內發墨守

詩
疏

四之

二

天王

惠公三年平王東遷何休音訓

困學紀聞七

注
入廟稱禰

禰字示傍爾言雖可入廟是神示猶是最近於已故

曰禰舊說

疏一

傳何以不曰

公穀多以日月為例或以書日為美或以為惡夫美惡在於事迹見其文足以知其褒貶日月之例復何為哉假如書曰春正月叛逆與言甲子之日叛逆又

何差異乎故知皆穿鑿妄說也啖集傳

纂例九

三
年傳譏世卿

今春秋公羊穀梁說卿大夫世位則權并一姓謂周尹氏齊崔氏也而古文春秋左氏說卿大夫皆得世祿傳曰官族易曰食舊德謂食父故祿也尚書曰世選爾勞予不絕爾善詩云惟周之士不顯奕世論語曰興滅國繼絕世國謂諸侯世謂卿大夫也五經異

義
魏書一百
八十四

年五傳將尊師少稱將

附正注

誤字 衛孫良夫伐將咎如是也

何煌校宋蜀大字本一

將卑師少稱人

按前後稱人以圍者凡十五若將卑師少何能圍國

趙集傳

纂例五

自陝而東者周公主之自陝而西者召公主之

王者已有州伯所以復設二伯何欲使紂職也三歲

一閏天道小備故二伯紂職也何以為二伯乎曰以

三公在外稱伯東西分為二所以稱伯何欲抑之也
三公臣之最尊者也又以王命行天下為其威故抑
之也明有所屈伯也五經異義

北堂書
鈔五十

年六
傳諱獲也

附補注
脫字

明鄭獨擅獲諸侯

何煌校宋鄂
津官本一

桓公

年二
傳宋始以不義得之故謂之郕鼎

注誤
字

不應得故正之

年四 傳苗

注誤 毛也明當毛物取未懷任者

年五 傳言雩則旱見

雩祭名爾旱乃災也以雩言旱非舉重之義趙集傳

纂例

三

年八 傳則因用是往逆矣

公羊說天子至庶人皆親迎左氏說王者至尊無敵

體之義不親迎五經異義

通典五十八

十六年

經十有一月衛侯朔出奔齊

大國書奔皆悉書月春秋例

疏七

莊公

三年

傳其言次於郎何

注誤字

國內兵不當書

何校官本三

四年

傳春秋為賢者諱

公羊云春秋為賢者諱為尊者諱穀梁云為尊者諱

恥為親者諱疾為賢者諱過舊說隱諱也乃隱其惡

耳若隱其惡何名為直筆乎蓋諱避之也避其名而
遜其辭以示尊敬也猶魯諱具敖以鄉名山非為隱
諱言魯無此山也但諱為避則近春秋之義也今言
他人之遇屯否罪戾死喪恥辱則正言之至於所尊
所敬則婉順言之此蓋是人情常理春秋諱避之道
亦爾公夫人見殺及魯師敗不書不可斥言也公則
以不地見殺夫人則以齊人以尸歸見殺師敗則書
戰而已舉例而見意凡惡事必須書者則避辭言之

猶公夫人奔則曰遜殺大夫曰刺之類是也啖助春

秋集傳

纂例九

徒葬於齊爾

注誤

徒為齊侯所葬

何校官本三

十年傳荆者何州名也

荆楚一物義能相發吳揚異訓故不得州名也戴氏

疏七

國不若民

按諸侯無稱氏之例趙集傳

氏不若人

按春秋無氏獨行之例唯崔氏出奔尹氏卒自是譏

世卿不同常例同

並辨疑三

十三年標辟也

傳注

辟捐也劉兆

釋文二十一

二十二年經納幣

附刪注

納幣即納徵禮曰主人受幣

衍字

二十五年經陳侯使女叔來聘

注誤字

禮七十雖庶人主字而禮之

並何校官本三

三十三年傳有子則廟

未踰年君有子則書葬立廟無子則不書葬恩無所
錄也左氏說云臣之奉君悉心奉恩不得緣君父有
子則為立廟無子則廢也或議曰許君按禮云臣不
殤君子不殤父無子而不為立廟是背義棄禮罪之
大者也五經異義 未踰年君者魯子般子惡是也

皆不稱公書卒弗諡不成於君也廟者當序於昭穆
不成於君則何廟之立凡無廟者為壇祭之近漢諸
幼少之帝尚皆不廟祭而祭於陵云罪之重者此何
故不罪殤者十九向下未踰年之君未必未冠引殤
欲以何明也駁五經異義

並通典
九十三

閔公

元年傳曷為外之

注誤

据俱出奔還也

何校官
本四

二年傳未可以稱宮廟也

禘者本王者之大祭諸侯不得行之成王以特尊周公令魯行耳閔二年遂僭用於莊廟故經書以譏之公羊云其言莊公何未可以稱宮廟也必若不合於宮廟行禘而今行之則當明書以示譏不應隱避也自緣不配文王故斥言莊公以明之爾趙集傳

纂例二

僖公

九年經宋子

諸侯未踰年出朝會與不出會何春秋公羊說云諸侯未踰年不出境在國中稱子以王事出亦稱子非王事而出會同安父位不稱子鄭伯伐許未踰年以本爵譏不子也左氏說諸侯未踰年在國內稱子以王事出則稱爵詘於王事不敢伸其私恩鄭伯伐許是也春秋不得以家事辭王事諸侯藩衛之臣雖未踰年以王事稱爵是也五經異義 昔武王卒父業既除喪出至孟津之上猶稱太子者是為孝也今未

除喪而出稱爵是與武王義反矣春秋僖九年春三月丁丑宋公禦說卒夏公會宰周公齊侯宋子衛侯鄭伯許男曹伯於葵丘宋子即未踰年君也出與天子大夫會是非王事而非子耶駁五經異義

並通典九十三

十五年傳晦者何冥也

晦者晦朔之晦爾據十六年戊申朔隕石於宋五成十六年甲午晦晉楚戰於鄢陵並書晦朔則知古史之體應合書日而遇晦朔必書之以為歷數之證趙

集傳

辨疑五

十九年

經

脫字

鄩人會盟於邾婁

何校官本五

二十八年

傳未侵曹則其言侵曹何致其意也

聖人立教猶云不逆詐豈未行其事而先致其意乎

趙集傳

歸之于者罪已定矣歸于者罪未定也

歸于與歸之于其義一也或傳寫衍縮不煩妄釋同

並辨疑六

三十
一年傳祭天

公羊說祭天無尸左氏說晉祀夏郊以董伯為尸虞
夏傳云舜入唐郊以丹朱為尸是祭天有尸也魯郊
祀曰祝延帝尸從左氏之說也五經異義

讀書雜
鈔一

三十
三年傳必於穀之欽巖

欽音欽徐邈音

匹馬隻

易

輪無反者

車皆不還故不得易輪轍董仲舒

並釋文
二十一

文公

二年傳藏主也

正廟之主各藏太室西壁之中遷廟之主於太祖太

室北壁之中馮君嚴氏春秋章句

通典四十八趙明誠金石錄十四

釋二十四

洪适隸

注誤

常所當奉事也

五年傳口實也

注誤

天子以球

並何校官本六

兼之非禮也

據禮含賵祔止一人公穀反云譏一人兼行二禮殊乖禮意也據禮含賵祔止一人兼行爾若每事須一人則罄王朝之臣不足以充喪禮之使也趙集傳

辨疑

七

經葬我小君成風

母以子貴庶子為君母為夫人薨卒赴告皆以成禮

不行妾母之制夫人成風是也春秋條例

通典八十二

妾母之子為君子得尊其母為夫人按春秋公羊說

妾子立為君母得稱夫人故上堂稱妾屈於嫡下堂稱夫人尊行國家則士庶起為人君母亦不得稱夫人父母者子之天也子不得爵命父母至於妾子為君爵其母者以妾本接事尊者有所因也穀梁說僖公立妾母成風為夫人入宗廟是子而爵母也以妾為妻非禮也古春秋左氏說成風得立為夫人母以子貴謹按尚書舜為天子瞽叟為士明起於匹庶者子不得爵父母也至於魯僖公本妾子尊成風為小

君經無譏文公羊左氏義是也五經異義 禮喪服

父為長子三年以將傳重故也衆子則為之周明無
二嫡也女君卒貴妾繼室攝其事耳不得復立夫人
魯僖公妾母為夫人者乃緣莊夫人哀姜有殺子般
閔公之罪應貶故也近漢呂后殺戚夫人及庶子趙
王不仁廢不得配食文帝更尊其母薄后非其比耶
妾子立者得尊其母禮未之有也駁五經異義

並通典七

二十

十四年 傳大其弗克納也

此乃譏其不量事而勞師爾聞義能止差能補過何

足大之哉趙集傳

辨疑七

十五年 傳筍將而來也

筍音峻何休音訓

史記索隱二十二

十七年 經

脫字

冬公子遂如齊

唐石經六

宣公

五年 傳為其雙雙而俱至者與

雙雙之鳥一身二首尾有雌雄隨便而偶常不離散

故以喻焉舊說

疏十五

八年

經

異字

公至自會

唐石經七

九年

經公如齊

諸侯有妾母喪得出朝會不春秋公羊說妾子為諸侯不敢以妾母之喪廢事天子大國出朝會禮也魯宣公如齊有妾母之喪經書善之左氏說云妾子為君當尊其母有三年之喪而出朝會非禮也故譏魯

宣公按禮妾母無服貴妾子不立而他妾子立者也不
敢以卑廢事尊者禮也即妾子為君義如左氏五
經異義 喪服總麻庶子為後為其母比義自天子
至庶人固不得三年魯襄公所以得尊其妾母敬嬴
為夫人者以夫人姜氏大歸齊不反故也因是言妾
子立母卒得為之三年於禮為通乎其服之間出朝
會無王事與鄭伯伐許何異駁五經異義

並通典
九十三

年十二
傳杆不穿

杆是衿字若今食帟矣舊說

疏十六

而佚晉寇

注誤字

為其欲壞楚善行以求上人

何校官本七

成公

年二傳逮於袁婁

注脫字

一言使四國大夫汲汲追與之盟

何校官本八

年五傳河上之山也

何校余本八

年十經闕文冬十月

十五年 傳公孫嬰齊則曷謂之仲嬰齊為兄後也

二傳不知時有叔盼子公孫嬰齊故此稱仲以別之

義故妄說爾啖集傳

辨疑八

誤字 臧宣叔者

十八年 傳郊用正月上辛

注誤字

魯郊博卜春三月

並何校官本八

襄公

五年 傳蓋欲立其出也

注脫字

主書者善之

何校官本九

十

經公至自會

注誤字

例不當書致書致者深諱使若公與上會不

與下減

同前

十二

經

異字

春王三月

何校余本九

二十

經春王正月公至自會

注誤字

月者危公前疆隨鄴有邾婁地又受其叛臣

邑而今與會不於上會月者與日食同月不得復見

何校官
本九

二十九年
傳賢者不名

夫褒而字之但為有殊異之美者非謂賢者常不名

啖集傳

辨疑
九

三十一年
傳賢也

夫人無爵故無諡或曰夫人有諡夫人一國之母修
閨門之內則下以化之故設諡章其善惡公羊曰葬
宋共姬稱其諡賢之也卿大夫妻命婦也無諡者以

賤也妾無諡亦以卑賤無所能與猶士卑小不得諡

也五經通義

通典一百四

昭公

年四

經

異字

楚人執徐子

年五

傳匿嫡之名也

注倒字

嫡子生不以名令於四方擇勇猛者而立之

並何

校余本十

年十三

傳不與諸侯專封也

此本是列國今改過復其所耳何名專封趙集傳

疑辨

十

二十傳若曰因諸者然

即博物志云周曰囿圉齊曰因諸是也舊說

疏二十

二十傳西周也

注異自號西周主

何校蜀大字本十

二十經秋八月

注誤明年叔倪出會

何校官本十

二十傳以逐季氏也

雩但禮官與女巫而已何足攻季氏乎啖集傳

辨疑

注誤

字辰為臣去辰則逐季氏意明矣

何校官本十

二十經公圍成

注誤

字入即如定公當致也

同前

定公

元經立煬宮

孝子祭祀雖致其誠信與其忠敬而已不求其為而

祝尸嘏主人曰皇尸命工祝承致多福無疆于女孝
孫來女孝孫使女受祿于天宜稼于田眉壽萬年勿
替引之若此祭祀內盡已心外亦有祈福之義也發

墨守

朱校宋本禮
記疏三十二

傳記異也

注異

時獨殺菽

何校官
本十一

注

而不念父

定公為昭公弟而謂昭公為父者臣子一例故也舊

疏 二
十五

年五 傳曷為不言諸侯歸之離至不可得而序

若實如此則但不列序何不言諸侯歸栗于蔡若諸

侯歸之而云爾則魯自歸之如何為文乎趙集傳

辨疑

十

年十二 傳五堵而雉

諸儒皆以為雉長三丈堵長一丈疑五誤為三王愆

期注

詩疏十
一之一

十五年

傳

異字

曼也

唐石經十一

哀公

五年

傳喪以閏數也

注誤字

謂喪服大功以下諸喪當以閏月為數

何校官本十二

十四年

四

傳有磨而角者

君獵得麇使大夫持以歸大夫道見其母隨而鳴感而縱之君愠議罪未定君病恐死欲托孤幼乃覺之大夫其仁乎過麇以恩况人乎乃釋之以為子傳於

議何如董仲舒春秋決獄

白孔六帖二十六

麋麋也劉兆

文選注十一

反袂拭面

注異字

夫子素案圖錄知庶聖劉季當代周

所見異辭

從襄二十一年以後孔子生訖即為所見之世顏安

樂序疏

古經解鈎沈卷二十二

欽定四庫全書

古經解鈎沈卷二十三

長洲余蕭客撰

春秋穀梁傳

穀梁

序成帝時議立三傳博士已郡胥君安獨駁左傳不

祖聖人春秋穀梁傳序

常璩華陽國志十下

夫子感隱桓之

事為作春秋振王道於無王徐邈序

北堂書鈔九十五

解左氏善於禮公羊善於識穀梁善於經鄭玄六藝

論

序疏

穀梁與孝公同時麋信注

經典釋文一

序

鼓芳風以扇遊塵

正樂為芳風淫樂為遊塵樂可以降天神出地祇故

云芳風淫樂鬼神不享君子不聽故曰遊塵舊解

序疏

隱公

元年傳不正

夫遜者君臣之大節也苟不失其正則聖人必重之

春秋必韙之穀梁謂非正豈微旨歟隱之遜非徒為
威蓋成先君歸仲子之意春秋實尼父之日月也日
月之垂昭昭然非遜君之賢君曷以居其首哉居斯
之首與居諸史之首則正創業之主斯之首則聖特
筆之以冠十二公矣始定易非乾象無以冠之七十
傳非夷齊無以冠之三千子非顏閔無以冠之又春
秋正威母之喪不正隱母之喪威母書夫人薨隱母
書君氏卒斯皆正隱讓之明言而聖人崇謙遜之風

戒僭亂之俗成王化之本也左氏公羊得其實穀梁

之短矣陳岳春秋折衷

山堂考索
續集十二

經天王使宰咺來歸惠公仲子之賵

天子於諸侯含之賵之諸侯於卿大夫如天子於諸
侯諸侯於士如天子於諸侯臣襚之賵之天子於二
王之後含為先襚則次之賵為後諸侯相於如天子
於二王後 平王新有幽王之亂遷於成周欲崇禮
於諸侯原情免之若無事而晚者去來以譏之榮叔

是也鄭玄釋廢疾

朱校宋本禮記疏五十一

傳貝玉曰含

大夫當五諸侯當七天子當九舊說

一疏

寰內諸侯

天子以千里為寰尹更始章句

宋本文選注六

二年傳入者內弗受也

按侵伐圍滅皆用兵之事安有彼國願受之乎趙匡

春秋集傳

纂例五

夫人薨不地

此說非也假如夫人歸寧死於外豈得云不地乎同

纂例

三

傳外壤

壤音傷舊音

疏一

年五傳苞人民毆牛馬曰侵斬樹木壞宮室曰伐

廐焚孔子曰傷人乎不問馬今穀梁以苞人民為輕
斬樹木壞宮室為重是理道之不通也何休廢疾

苞人民毆牛馬兵去則可以歸還其為壞宮室斬樹木則樹木斷不復生宮室壞不復成為毒害更重也

釋廢疾

二疏

九年傳聘諸侯非正也

周禮云天子時聘以結諸侯之好人君亦有聘士之禮穀梁曰聘諸侯非正也言天子不當聘諸侯殊誤

矣啖助春秋集傳

纂例四

所俠也

所者俠之氏尹更始注二

疏

年十傳不正其乘敗人而深為利

安有彼不敗而能取其邑乎假如兵不敗我直取得

其邑則無罪乎趙集傳

辨疑一

桓公

年元經春王

春秋上下無王者凡一百有八桓無王者見不奉王
法餘公無王者為不書正月不得書王桓初即位者

已見治故書王以示義范甯例

三疏

春秋歲首必書

王者聖人大一統也書王必次春書正必次王謂春者天之所為也正者王之所為也王稟於春正稟於王以載行事以立綱紀綱紀立而後條貫舉條貫舉而後褒貶作褒貶作而後君君臣臣父父子子之道定是以凡書王皆用周之班厯或失不班厯則不書以明上尊天子下卑諸侯以正王道也苟不班厯而不書正則並正去之雖是月有事第書其事而無其

正何者王旣不書正將奚附局班厯而書王則併正
在焉雖是無事亦書空正月以紀之何者王旣書之
正宜在焉自始正末無毫釐之差穀梁公羊無辭左
氏得其實折衷

山堂考索
續集十二

鄭伯以壁假許田

鄭以祊不足當許田故復加壁麋信

史記注
三十三

年二傳孔氏父字謚也

孔字父美稱也孔氏之先皆以字連父故有弗父金

父若孔為氏豈世世改乎又春秋時名嘉者多字孔

是其證也啖集傳

辨疑二

年三傳謹言而退

穀梁云善其約言而退按會遇亦並不盟皆是約言

而退何得獨異其文趙集傳

纂例四

年四傳夏曰苗

運斗樞曰夏不田穀梁有夏田於義為短廢疾

四時皆田夏殷之禮詩云之子于苗選徒囂囂夏田

明矣孔子雖有聖德不敢顯然改先王之法以教授
於世若其所欲改其陰書於緯藏之以傳後王穀梁
四時田者近孔子故也公羊正當六國之亡識緯見
讀而傳為三時田作傳有先後雖異不足以斷穀梁
也 歲三田謂以三事為田釋廢疾

並朱校本
禮記疏十七

年九傳為之中者歸之也

按王后者天下之母不同於諸侯自合書之不關魯
為之媒乃書也趙集傳

纂例
六

言使非正也

禮諸侯嫡誓於天子攝其君則下其君一等未誓則以王帛繼子男此為同急王命也至於相朝非急會今曹伯有不朝魯未為有闕命使世子攝朝言非禮之政庾信注

以內

內魯同

內失正曹伯失正

言二者俱失之同

並御覽百四十七

異字

則是放命也

唐石經二

放違也言世子違命而止是當不義則爭之庾信注

御覽百

四十七

十年傳正終生之卒也

曹伯亢諸侯之禮使世子行朝故於卒示譏范甯答

薄氏駁

四

來戰者前定之戰也

此說非也言來者責三國不當來爾言戰者諱敗之

常也趙集傳

辨疑二

十一 年 經公會宋公於夫鍾童

童音鍾麋信音

釋文二
十三

十四 年 傳以為唯未易災之餘而嘗可也志不敬也

唯以未易災之餘而嘗然後可志也用火焚之餘以

祭宗廟非人子所以盡其心力不敬之大也鄭嗣

注二

十五 年 傳地而後伐疑辭也

按謀伐之初豈有不懷疑者疑者心中之事何由知
之今據經文因成會禮而後行伐爾辭意甚明無他
義也趙集傳

年十八傳薨稱公舉上也

諸侯雖五等臣子皆曰公從高稱也生時皆然何用

解薨啖集傳

並辨
疑二

莊公

年元傳無來錫命

錫命者旌功德之由苟錫之非禮也穀梁曰禮有受命無來錫命此說非也按秦漢以後郡縣天下天子益尊不比三代猶就郡國加守相爵秩何得無錫命乎蓋不知譏其賞無功而遂妄為義也趙集傳

纂例四

年二 傳婦人既嫁不踰竟

若然則父母存豈得絕其歸寧乎同

纂例二

年四 傳刺釋怨也

凡戰伐盟會苟君臣不敵則必恥之矧其狩乎狩者

非大於戰伐盟會也戰伐盟會者不得已而為之狩者在我而已苟公自狩於境內則為人事也越境與齊狩則非人事也既非人事則必齊侯召公同狩公不肯自與齊之微者狩也苟是與微者狩則必為魯諱當書及齊人狩於禚不曰公矣如文二年書及晉處父盟也噫人齊侯者蓋刺公也刺其非王事而與不同天之讐狩斯穀梁近之左氏公羊俱誤折衷

山堂

考索續
集十二

六年傳稱名貴之也

王人者卑者之稱也當直稱王人而已今以其能奉天子之命救衛而拒諸侯故加名以貴之僖八年公會王人齊侯是卑者之常稱徐乾注

注三

七年經恒星不見

天戒若曰勿使大夫世官將令專事暝晦公室卑矣

劉向春秋說

晉書二十九

十七年傳逃義曰逃

凡言逃者皆謂義當留而竊去也故穀梁云逃義曰

逃君臣同辭逃者匹夫之事也趙集傳

纂例七

二十二年傳為嫌天子之葬也

穀梁曰為嫌天子不許之葬按當時天子微弱魯肯畏之乎若實有畏王之心則自赦以除母罪豈為得禮且魯莊未嘗有怨齊之心葬母肯有所忌赦自赦爾葬自葬爾事不相關同

二十三年傳朝於廟正也於外非正也

若於國中而不於廟乃為非禮若於境外如何求廟

乎且諸侯朝於四岳之下亦豈得求廟乎同

並辨疑四

二十四年傳赤蓋郭公也

赤若是諸侯不能治國舍而歸曹應謂之奔何以詭

例言歸乎薄叔玄駁

疏六

二十八年經大無麥禾

水旱當書不書水旱而曰大無麥禾者土氣不養稼

穡不成劉向說

晉書二十七

二十九年傳以大及小也

此但言先後次第破甚者先之或近邊者亦先之何

必小大乎啖集傳

辨疑四

閔公

元年傳諡所以成德也

成謂定其德之優劣徐邈注

北堂書鈔九十四

僖公

四年傳侵蔡而蔡潰以桓公為知所侵也

霸王當以討罪正邪為心豈以易侵而遂侵乎又凡

春秋書侵伐皆罪之也不可妄加褒飾趙集傳

辨疑五

十八年傳言及惡宋也

戰言及者所以別客主直與不直河曲之戰兩不直故去及今宋言及明直在宋非所以惡宋也即言及為惡是河曲之戰為兩善乎及穀梁以為河曲之戰

不言及略之也自相反矣廢疾

王皙春秋皇綱論三

二十一年經大旱

春秋凡書二十四旱考異郵說云分為四部各有義

焉釋廢疾

朱校宋本禮記疏二十三

二十九年經大雨雹

雹者陰脅陽之象霰者陽脅陰之符也春秋穀梁說

大戴禮注五

三十三年傳未可殺而殺舉重也

未可殺而殺謂定元年殺菽者此說非也定元年草

不死唯菽死故紀其災也且今百草未死豆苗先枯

即知豆易凋不得云舉重也趙集傳

辨疑六

文公

四年傳其不言氏何也貶之也

凡夫人加氏字便於言爾今既曰婦姜故不要言氏

無他義也啖集傳

辨疑七

五年傳而含已晚

附正疏誤字

唯論諸侯自相於

影宋本六

九年經地震

陽氣伏於陰下見迫於陰故不能升以至地動孔晁

指訓

春秋本義

秦人來歸僖公成風之襚

以其穀敗兵無休時君子原情不責晚也釋廢疾

朱校

宋本禮記疏五十一

年十二 傳女子十五而許嫁

女子十五許嫁笄尹章句

周禮疏十四

年十四 傳猶弗也

弗扶憤翻李軌音

弗扶勿翻徐邈音

並釋文
二十三

宣公

年二傳華元雖獲不病矣

按軍敗身獲而云不病此說非也但緣師先敗績身
乃見獲依次第書之有何褒貶乎若欲褒貶之乃責
其不身先士卒爾何得云善也晉侯夷吾之見獲為
馬陷淖中師實不敗各依事實而言無煩曲說趙集

傳

辨疑
八

三年經牛死

宣公區霽昏亂故天不饗其祀劉向說

晉書二十九

八年經有事於太廟

禘而云有事者雖為卿佐卒張本而書有事其實當

時有用七月而禘因宣公六月而禘得禮故變文言

有事春秋因事變文見其得正也釋廢疾

朱校宋本禮記疏五

二十

十一年傳使不得其君臣之道

附補注
脫字

二人與君昏淫

年十五

傳古者什一

附刪注
衍字

又受田十畝

並何煌校宋建安
余氏萬卷堂本七

年十八

傳

興字

是亦奔父也

唐石
經七

成公

年元

傳作為也

附補疏
脫字

言新則兼作也

影宋
本六

年九

傳詳其事賢伯姬也

按春秋褒貶當事而書未有別紀間事以為褒也趙

集傳

辨疑

十三年

經

脫字

遂會晉侯齊侯

唐石經八何校余本八

十八年

經築鹿囿

天子囿方百里公侯十里徐邈注

影宋疏八

襄公

六年

傳

異句

非立異姓以莅祭祀

何校余本九

此蓋昭四年經云取鄫以為若今實滅之不合如此

所以云立異姓也按呂今滅鄆以為附庸後魯取得之何妨書取鄆乎且定六年鄭滅許哀元年許復見於經則鄆之滅而再見亦何足怪若鄆人實取外孫為國嗣罪自在鄆非莒之過則經文又當如梁亡之類而言鄆亡不當書滅趙匡集傳

辨疑九

七年傳見以如會卒也

此說非也凡諸侯卒皆書名若言鄭伯如會髡原卒於鄆則不成文辭也故云爾吳子謁伐楚門於巢卒

書名於伐楚之上亦同此義同

纂例三

年十二經圍郅台

台音臺范甯音

宋本羣經音辨一

昭公

年七傳王父名子也

注脫字誤字

君不聽臣易名者欲使人重父命也父受名

於王父王父卒則稱王父之命名之

何校余本十

年八經陳侯之弟招殺陳世子偃師

招成公子姬師襄公子所謂悼太子者也哀公愛其世子留托之招哀公有疾招殺太子姬師而立留庚信注傳曰鄉陳公子招

招發於十年矣同

盡其親

謂稱公子又稱弟招先君之公子今君之母弟也同惡也

惡哀公使招至於殺之同

並御覽百四十七

御輦者

輦紐也

劉兆

釋文二十

輦繼也同

經典釋文六

異

閔之也

唐石經十

年十五

傳君命無所不通

宗廟大事大夫卒小事以理言之應待祭畢又禮記

稱衛侯曰柳莊者非寡人之臣也社稷之臣也如其

卒雖當祭必告據此足明常禮不告啖集傳

辨疑十

年二十

傳齊謂之綦

綦連併也劉兆

楚謂之跣

跣聚合不解也同

衛謂之繫

繫如見繫糾也同

並影宋本釋
文二十三

定公

元年傳毛澤未盡人力未竭未可以雩也

雩者以祈雨也若待毛澤盡人力竭雖雨何救哉蓋

傳以日月為例故有此分別啖集傳

辨疑

四年傳

異句

一事而再會

唐石經十一

經楚囊瓦出奔鄭

注闕

知見伐由已故懼而出奔

何校余本十一

十二年傳

異句

非國不言圍

唐石經十一

十五年

經滕子來會葬

曹滕二莒世屬服事我范答薄氏

影宋疏十一

二邾同

九疏十

傳乃急辭也

按凡稱乃緩辭也不得云急趙集傳

辨疑

哀公

元年

傳脫

字此該郊之變而道之也

唐石經

異

字子不志三月卜郊

唐石經

年


十二傳非正也

春秋常賦不書苟書之必譏其重斂也復書用田賦可知其害人矣謂作者不宜作謂用者不宜用皆聖

人之徵文也自作丘甲之後已破十一之稅矣田賦
軍賦本通出馬一匹牛三頭今別為田明矣杜氏穀

梁得其旨折衷

山堂考索
續集十三



古經解鈎沈卷二十三

欽定四庫全書

經部

古經解詁卷二十四至

詳校官監察御史臣施朝幹

刑部郎中臣許兆椿覆勘

總校官原任中允臣王燕緒

校對官助教臣胡子襄

騰錄監生臣王濤

欽定四庫全書

古經解鈎沈卷二十四

長洲余蕭客撰

孝經

孝經

序僕避難於南城山棲遲巖石之下念昔先人餘暇

述夫舟之志而注孝經鄭氏注序

劉肅大唐新語九

孝經者三才之經緯五行之綱紀孝為百行之首經

者不易之稱鄭氏序

玉海四十一

春秋有呂國而無甫

侯同

朱校宋本禮記疏六十二

以鄭為主荀昶集解序

文苑英華七百

六十

解孔子以六藝題目不同指意殊別恐道離散後世

莫知根源故作孝經以總會之鄭玄六藝論序

敘孝經云玄又為之注同

唐會要七十七

開宗明義章

開宗及紀孝行喪親等三章通於貴賤皇侃義疏

一疏

仲尼居

居靜而思道也孔安國注

釋文二
十三

仲者中也尼者

和也言孔子有中和之德故曰仲尼張禹說 劉瓛

說並疏
一

尼尼講堂也鄭玄注 居閒居也王肅注

並釋文
二十三

丘聚尼和梁武帝講疏

疏一

先王

禹三王最先者鄭玄注

有至德

至德孝悌也同 孝為之至也王注

要道

禮樂也鄭注

孝為道之要王注

並釋文
二十三

窮理之

至以一管衆為要殷仲文注

疏一

曾子避席曰

炫謂孔子自作孝經本非曾參請業而對也劉炫述

義序
疏

夫孝德之本也

人之行莫大於孝故為德本章昭注 唐玄宗注

無念爾祖

無念無忘也鄭玄注 釋文二

十三

天子章

不敢惡於人

博愛也魏真克訓注

卿大夫章

張官設府謂之卿大夫鄭玄注 朱校宋本

禮記疏二

非先王之法服

法服謂日月星辰山龍華蟲藻火粉米黼黻絺繡同

北堂書鈔
八十六

天子服日月星辰諸侯服山龍華蟲卿

大夫服藻火士服粉米同

北堂書鈔
百二十八

士章

資於事父

資者人之行也同

公羊疏
二十五

故以孝事君則忠

上云君父敬同則忠孝不得有異言以至孝之心事

君必忠也嚴植之說

疏二

庶人章

異字

子曰因天之道

影宋蜀大字本

民春以力耕夏以鋤耘秋以收斂魏文侯

齊民要術一

脫衣就功暴其肌體朝暮從事露髮塗足少而習之

其心安焉孔注

文苑英華七百六十六

因地之利

影宋蜀大字本

分別五土視其高下若高田宜黍稷下田宜稻麥丘

陵阪險宜種棗栗鄭玄注

初學記三

宜種桑栗同

御覽三十

六

孝無終始而患不及者

言為人無終始者謂孝行有終始也患不及者謂用

心憂不足也能行如此之善曾子所以稱難謝萬注

三疏

三才章

異字

因天之明

影宋蜀大字本

孝治章

昔者

昔古也鄭注

公羊序疏

而況於公侯伯子男乎

諸侯五年一朝天子天子亦五年一巡狩孝經注

朱校

宋本禮記疏十六

不敢侮於鰥寡

丈夫六十無妻曰鰥婦人五十無夫曰寡鄭注

詩疏一

二

聖治章

以配天

配天於南郊祀之王肅

史記注二十八

宗祀文王於明堂

大學者中學明堂之位也魏文侯孝經傳

注補後漢書八

大學中學也庠言養也所以養雋德也舜命夔曰汝

典樂以教胄子胄子國子也同

通典五十三

明堂在國

之陽孝經傳

顏師古議唐書二十二舊

明堂上圓下方梁武

帝義疏

魏書八十四冊府元龜六百五十八

以配上帝

帝亦天也孔安國傳

舊唐書二十一

上帝太乙之神在紫

微宮天之最尊者焉融傳

上帝天也王注

並通鑑音注

三十

上帝天之別名也神無二主故異其處避后稷

也鄭玄注

史記注二十八

其儀不忒

忒差也鄭玄注

宋本李善文選注三十六

紀孝行章

祭則致其嚴

齋戒沐浴明發不寐鄭注

北堂書鈔八十八

五刑章

五刑之屬三千而罪莫大於不孝

不孝之罪聖人惡之云在三千條外謝安

袁宏說

王獻之
並疏
六

廣至德章

非家至而日見之也

非門到戶至而見之鄭玄注

宋本文選
注三十八

天子有爭臣七人

七人謂三公及前疑後承左輔右弼同

後漢書注
五十七

喪親章

禮無容言不文

禮無容觸地無容言不文不為文飾鄭注

北堂書鈔
九十三

毀不滅性

毀瘠羸瘦孝子有之鄭玄注

文選注
五十七

陳其簠簋而哀感之

簠簋祭器受一斗二升方曰簠圓曰簋盛黍稷稻粱

器陳奠素器而不見親故哀感也鄭注

北堂書鈔
八十九

卜其宅兆

宅墓穴也兆塋域也葬事大故卜之同

北堂書鈔
九十二

為之宗廟以鬼享之

宗尊也廟貌也親雖亡沒事之若生為立宮室四時

祭之若見鬼神之容貌孝經注

詩疏十九之一

春秋祭祀

四時變易物有成熟將欲食之故薦先祖念之若生

不忘親也鄭玄注

御覽五百二十五

古經解鈎沈卷二十四

欽定四庫全書

古經解鈎沈卷二十五

長洲余蕭客撰

論語

論語

序易詩書禮樂春秋策皆尺二寸孝經謙半之論語

八寸策者三分居一又謙焉鄭玄序

儀禮疏入

贊衛靈公問陳於孔子孔子對曰俎豆之事則嘗聞

之軍旅之事未之學也德則大矣比德中庸斯言之
善莫不歸宗麤者乖本妙極令終嗟我懷矣興言攸
同孔子曰民之於仁也甚於水火水火吾見蹈而死
者矣未見蹈仁而死者也謝道韞論語贊

藝文類聚
五十五

學而

子曰學而時習之

子者男子之通稱謂孔子也馬融古論語訓說

集解
一

凡學有三時一身中時學記云發然後禁則扞格

而不勝時過然後學則勤苦而難成故內則云十年
出就外傳居宿於外學書計十有三年學樂誦詩舞
勺十五成童舞象是也二年中時王制云春秋教以
禮樂冬夏教以詩書鄭玄云春夏陽也詩樂者聲聲
亦陽也秋冬陰也書禮者事事亦陰也互言之者皆
以其術相成又文王世子云春誦夏弦秋學禮冬讀
書鄭玄云誦謂歌樂也弦謂以絲播時陽用事則學
之以聲陰用事則學之以事因時順氣初功易也三

日中時學記云故君子之於學也藏焉修焉息焉游

焉是日日所習也皇侃義疏

一疏

不亦說乎

說深而樂淺譙周注

而不愠

愠怨也鄭玄注

並釋文
二十四

有子曰

弟子有若孔安國訓解

高麗本何晏集解一

魯人鄭玄論語

篇目弟子

史記注
六十七

與朋友交

同門曰朋同志曰友鄭注

影宋本易疏六
周禮疏十四

道千乘之國

道猶治也包咸章句

蔡節集
說一

司馬法云井十為通

通十為成成方十里出革車一乘鄭注

詩疏十
三之二

子夏曰

子夏溫國卜商篇目弟子

史記注
六十七

信近於義言可復也

其言可反覆故曰近義馬說

韓李論語
筆解上

恭近於禮遠耻辱也

恭不合禮非禮也以其能遠耻辱故曰近於禮也包

章句

高麗本
集解一

馬訓說

筆解
上

異未若貧而樂道

唐石
經一

如切如磋如琢如磨

切磋琢磨以成寶器鄭注

詩疏三
之二

為政

一言以蔽之

蔽塞也鄭注

文選注
五十四

道之以德

六德謂智仁聖義中和同

釋文二
十四

孟懿子

慶父斬稱死時人為之諱故曰孟氏同

朱校宋本
禮記疏九

樊遲御

樊遲齊人篇目弟子

史記注
六十七

父母唯其疾之憂

言孝子不妄為非唯疾病然後使父母憂馬說

至於犬馬皆能有養

犬以守禦馬以待勞皆養人者包章句

並集
解一

色難

言和顏悅色為難也鄭注

先生饌

餽

食餘曰餽同

並初學
記十七

溫故而知新可以為師矣

溫尋也尋繹故者又知新者可以為師矣孔解

筆解
上

君子周而不比

忠信為周阿黨為比鄭注

宋本春秋
疏十五

誨汝知之乎

誨猶教也孔解

蔡集
說一

子張學干祿

顓孫師陽城人篇目弟子

史記索隱十八

言寡尤行寡悔祿在其中矣

言行如此雖不得祿得祿之道鄭注

史記注六十七

或謂孔子曰

或之言有也同

書疏十

或云言有人不顯其名而畧

稱為或同

宋本春秋疏三十三

大車無輓小車無軌

大車為柏車小車為羊車同

周禮疏二十二

雖百世可知也

物類相招勢數相生其變有常故可預知焉說

高麗本集

一解

八佾

與其易也

易簡鄭注

釋文二十四

子謂冉有曰

冉有魯人篇目弟子

史記注六十七

素以為絢兮

成章曰絢鄭注

儀禮疏八

繪事後素

素用繪同

儀禮疏一

禘自既灌而往者

禘祭之禮自血腥始同

周禮疏五

吾不與祭如不祭

孔子或出或病不自親祭使攝者為之不致肅敬於

心與不祭之同

儀禮疏
十五

子貢欲去告朔之餼羊

諸侯告朔以羊則天子特牛與同

朱校宋本禮記疏
三十九

九之
二

哀而不傷

哀世夫婦不得此人不為減傷其愛同

詩疏一
之一

哀公問社

主

於宰我

主田主謂社也同

初學記
二十八

宰我魯人篇目弟子

史記

注六
十七

始作

謂金奏鄭注

周禮疏
二十二

繹如也

繹調達之貌同

後漢書注
四十下

未盡善也

謂未致太平同

詩疏一
之三

里仁

里仁為美

里者民之所居鄭注

高麗本
集解一

知者利仁

知仁為美故利而行之王肅義說

集解
二

顛沛必於是

顛沛僵仆也馬說

宋本文
選注六

無適也無莫也

莫音慕鄭玄音

適莫猶厚薄也范甯

釋文二
十四

君子懷德

懷思也

孔解
文選注
十一

何有

言不難也同

如禮何

言不能用禮也同

並蔡集
說二

忠恕而已矣

附補何
注關文

忠以事上恕以接下本一而已惟其人也

惠校

相臺岳

氏本二

事君數

數謂速數之數包章句

筆解上

數世角翻何晏音

色具翻梁武帝音

釋文二
十四

公冶長

子謂公冶長

公冶長名芝字子長范甯

釋文二
十四

字子芝同

史記
索隱

十
八

子謂南容邦有道不廢

南容南宮縚魯人不廢言見用孔解

史記注
六十七

瑚璉也

黍稷器夏曰瑚殷曰璉鄭注

世說注上之上
讀書雜鈔一

雍也

魯人篇目弟子

史記注
六十七

子使漆雕開仕

漆雕姓開名子若其字也仕仕於朝也孔解

蔡集
說三

乘桴

桴編竹木大曰棧小曰桴

鄭注詩疏一
之三

無所取材

適用曰材好勇過我用故曰無所取樂聲釋疑

史記
注六

七十

可使治其賦也

賦魯論作傳梁武帝

毛展影宋蜀
大字本音義

赤也

魯人篇目弟子

史記注
六十七

孰愈

愈猶勝也

鄭注

宋本春秋
疏二十二

宰子晝寢

寢卧息也同

文選注十五
資暇集上

晝當作畫字言其繪畫

寢室故夫子嘆朽木不可雕糞土之牆不可圻梁武

帝

資暇
集上

申棖

蓋孔子弟子申續鄭注

釋文二十四

夫子之言性與天道不可得而聞也

性者人之所受以生也天道者元亨利新之道深微

故不可得而聞也

孔解筆解上

性謂人受血氣以生

有賢愚吉凶天道七政變動之占也

鄭注

後漢書注二十八上

敏而好學

敏行之疾也

孔解詩疏十八之四

臧文仲居蔡山節藻梲

節柄也刻之為山枕梁上楹也畫以藻文蔡謂國君之守龜出蔡因以為名焉山節藻枕皆非文仲所當

有之鄭注

宋本春秋
疏十四

未知

但聞其忠事未知其仁也孔解

高麗本
集解二

吾黨之小子狂簡斐然成章

簡略也同

文選注
四十三

吾黨之小子於大道妄作穿鑿

以成文章同

任淵山谷
詩注四

十室之邑必有忠信如丘者焉不如丘之好學也

焉猶安也言小室之邑雖小必有忠信如丘者也安

不如我之好學也言亦不如我之好學也衛瓘集注

疏

焉於虔翻衛瓘音

釋文二
十四

雍也

仲弓問子桑伯子

子桑秦大夫鄭注

釋文二
十四

原思為之宰

魯人篇目弟子

史記注
六十七

九百

九百斗孔解

集解
一

季氏使閔子騫

閔子騫魯人篇目弟子

伯牛有疾

伯牛魯人同

並史記注
六十七

一簞食

簞筍也鄭注

儀禮疏一

一瓢飲

瓢瓠也孔解

高麗本集解三

賢哉回也

非大賢樂道不能若此故以稱之衛瓘注

史記注六十七

女為君子儒無為小人儒

君子儒將以明道小人儒則矜其名何休注

北堂書鈔六十

六

行不由徑

選

步道曰徑 鄭注

史記索隱三

則野

野人粗略同

儀禮疏十一

文質彬彬

彬彬文質相半之貌 孔解

文選注十七

人之生也直

始生之性皆正直 鄭注

詩疏七之二

君子可逝也不可陷也

陷陷入於井也孔解

蔡集說三

逝往也言君子可使往

視之耳不肯自投從之包章句

高麗本集解三惠校日本本集解三

夫子矢之

矢誓也鄭注

繆播論語旨序

並釋文二十四

矢陳也夫

子為子路陳天命也蔡謨

史記注四十七

予所否者

否備鄙翻王弼音

李克音

方有翻繆播音

並釋文二

四十

天厭之

見南子者時不獲已猶文王之拘羑里也天厭之者

言我之否屈乃天命所厭也樂釋疑

史記注
四十七

可謂仁之方也已

方猶道也鄭注

後漢書注
四十五

述而

竊比於我老彭

老聃周之太史鄭注

朱校宋本禮記疏二十六

彭彭咸也同

文選

注八

自行束修以上

謂年十五以上同

後漢書注六十四

用之則行舍之則藏惟我與爾有是夫

用已而後行不假隱以自高不屈道以要名時人無

知其實者惟我與爾有是行樂釋疑

史記注六十七

則誰與

與音餘皇侃音

釋文二十四

子在齊聞韶三月不知肉味

孔子在齊聞習韶樂之盛美故忘於肉味也周氏章

句

史記注四十七

周生烈義說

高麗本集解四文選注十八

三月作音

字韓愈注

王林野客叢書二十八

飯蔬食

蔬食菜食皇侃

疏無明書三

子不語怪力亂神

或無益於教化或所不忍言

孔解

高麗本集解四

力不由

理斯怪力也神不由正斯亂神也怪力亂神有與於

邪無益於教故不言也

李充集注

史記注四十七

陳司敗問昭公

司敗人名齊大夫鄭注

釋文二十四

揖巫馬期而進之

巫馬期魯人篇目弟子

史記注六十七

正唯弟子不能學也

正如所言弟子猶不能學況仁聖乎包章句

高麗本
集解四

病

謂疾益困也鄭注

宋本暮
秋疏六

子路請禱

禱請也包章句

世說注
上之上

丘之禱久矣

明素恭肅於鬼神且順子路之言也鄭注

後漢書注
八十二

泰伯

泰伯

泰者善大之稱伯者長也周太王之元子故曰泰伯

范甯

史記索隱十

三以天下讓

泰伯少弟季歷生文王昌有聖德泰伯知其必有天下故欲傳位於季歷以太王病託採藥於吳越不反太王薨而季歷立一讓也季歷薨而文王立二讓也文王薨而武王立遂有天下三讓也

江熙釋

范成大吳郡志

四十
八

則絞

絞刺也

王說
筆解上

啓予足啓予手

父母全而生之亦當全而歸之論語注

後漢書注
五十二

可以託六尺之孤

六尺之孤年十五以下鄭注

周禮疏
十二

民可使由之不可使知之

民冥也其見人道遠同

儀禮疏
十一

由從也言王者設

教務使人從之若皆知其本末則愚者或輕而不行

同 後漢書注
八十二

不至於穀

穀祿也 孫綽注

不易得也

易音亦 孫綽音

並釋文
二十四

異句 子有亂十人

唐石
經四

亂理也理官者十人孔解

高麗本集解四

十人謂文母周

公太公召公畢公榮公太顛閼夭散宜生南宮括鄭

注

宋本春秋疏二十四

而致美乎黻冕

黻祭服之衣冕其冠也同

宋本春秋疏十七

子罕

與仁

寡能及之故希言包章句

筆解上

達巷黨人曰

巷黨黨名也

鄭注

讀書報鈔一

毋意毋必毋固毋我

不任意無專必無固行無有其身

壬說

筆解上

我叩其兩端

兩端末也

鄭注

釋文二十四

瞻之在前忽焉在後

恍惚不可得而形容

包章句

筆解上

吾未見好德如好色者也

使好德如好色則棄邪而反正矣李充注

史記注
四十七

未成一簣

簣土籠也鄭注

書疏
十三

秀而不實者

秀草似稷無實韋昭魯論解

爾雅
翼八

可與適道未可與立可與立未可與權

雖能之道未必能有所立雖有所立未必能權量輕

重孔解筆解上

唐棣之華

唐棣棣也同

燕明書三

鄉黨

恂恂如也

恂恂恭慎貌鄭注

後漢書注二十七

跖跖如也

跖跖敬恭貌同

後漢書注二

過位

謂入門右北面君揖之位同

朱校宋本
禮記疏五

屏氣

屏除也孔解

文選注
十八

紅紫不以為褻服

紅紫間色不正褻服私居服也褻服不用則正服可

知同

蔡集
說五

褻衣袍襍也鄭注

詩疏一
之四

緇衣羔裘

諸侯視朝之服同

儀禮疏
十三

亦卿大夫士祭於君之

服同

周禮
疏七

其服緇布衣而素裳緇帶素鞶同

朱校
宋本

禮記疏
六十二

卿大夫朝服亦羔裘唯豹祛與君異耳同

素衣麕裘

諸侯視朝之服其臣則青紵褰絞衣為裼同

並詩疏
一之四

視朔之服同

朱校宋本禮
記疏四十

長一身有半

今小臥被同

周禮
疏六

非帷裳必殺之

帷裳謂朝祭之服其制正幅如帷非帷裳者謂深衣

削其幅縫齊倍要同

宋本春秋
疏二十六

玄冠

玄冠委貌諸侯視朝之服同

穀梁
疏七

必朝服而朝

朝服皮弁服同

朱校宋本禮
記疏二十六

食不厭精

食麤則誤人生疾故調和不厭精潔也皇疏

食饅而餲

謂經久味惡如乾魚肉久而味惡也同

並無明書三

魚餒

魚敗曰餒孔解

史記注四十七

不時不食

不時非朝夕日中時一日之中三時食鄭注

儀禮疏十三

不使勝食氣

食謂他饌皇

疏 燕明書三

不撤薑食

齊禁葷物薑辛而不臭故不去孔

解 集解五

鄉人儻

十二月命方相氏索室中驅疫鬼鄭

注 朱校宋本禮記疏二十五

儻却之也以葦矢射之譙周

注 補後漢書五

廋焚

廋公廋也王弼釋疑

釋文二十

入大廟

為君助祭也鄭注

高麗本
集解五

異

居不客

唐石
經五

式負版者

版謂邦國籍也負之者賤隸人也鄭注

世說注
上之下

必變

敬天之怒孔解

蕪明
書三

山梁雌雉

孔子山行見一雌雉食其梁粟同

文選注
三十五

子路共之

非本意不苟食故三嗅而作周氏

筆解
上

先進

先進於禮樂

先進謂仕也包章句

謂學也鄭注

釋文二
十四

則吾從先進

將移風易俗歸之純素先進猶近古風故從之也包

章句

高麗本
集解六

皆不及門也

皆不及仕進之門而失其所鄭注

集解
六

人不間於其父母昆弟之言

言閔子騫為人上事父母下順兄弟動靜盡善故人

不得有非間之言也陳羣義說

高麗本
集解六

若由也不得其死然

衛蒯聵亂子路與師往有孤黷者當師曰子欲入耶

曰然黯從城上下麻繩鈎子路半城問曰為師耶為
君耶曰在君為君在師為師黯因投之折其左股不
死黯開城欲殺之子路目如明星之光曜黯不能前
謂曰畏子之目願覆之子路以衣袂覆目黯遂殺之
論語隱義 宋本御覽三百六十六

柴也

魯人篇目弟子

史記注
六十七

衛人同

史記索
隱十八

論篤是與君子者乎色莊者乎

論篤是口無擇言君子是身無擇行色莊者不惡而

嚴孔解

筆解下

且知方也

方常也鄭注

文選注十二

浴乎沂風乎舞雩

沂水出沂山同

水經注二十五

沂水在魯城南雩壇在其

上同

朱校宋本禮記疏三十四

顏淵

請問其目

欲知其要鄭注

周禮疏
二十四

舉臯陶

臯陶為士師號曰庭堅同

路史後紀
注十一

子路

必世而後仁

周道至美武王伐紂至成王乃致太平由承殷紂敝
化之後故也鄭注

冉子退朝

朝於季氏之私朝同

並詩疏四之二

謂冉有從季氏自魯

君之朝而退也周氏

蔡集說六

吾黨有直躬者

直人名弓鄭注

釋文二十四

葉公見聖人之訓動有隱

諱故舉直躬江熙集解

疏十三

狂者進取

仰法古制不顧時俗是進取一概之義鄭注

詩疏三之二

人而無恒不可以作巫醫

言巫醫不能治無恒之人同

不占而已矣

無恒之人易所不占同

並集
解七

朋友切切偲偲兄弟怡怡

切切勸競貌怡怡謙順貌同

詩疏九
之二

憲問

可以為難矣仁則吾不知也

四者行之難未足以為仁鄭注

史記注
六十七

危言危行

危猶高也同

文選注三十五
後漢書注四十一

危行言孫

據時高言高行者皆見危同

宋本春秋
疏二

奪伯氏駢邑三百

三百家齊下大夫之制同

朱校宋本禮
記疏五十九

卞莊子之勇

卞莊子秦大夫鄭注

釋文二
十四

霸諸侯

天子衰諸侯興故曰霸霸把也言把持王者之政教

同書疏
十一

何以報德

德謂恩惠也同

蔡集
說七

下學而上達

下學人事上知天命同

後漢書注
五十九

吾力猶能肆諸市朝

大夫於朝士於市公伯寮是士止應云肆諸市連言

朝耳同

周禮疏
三十五

作者七人矣

伯夷叔齊虞仲辟世者荷蓀長沮桀溺辟地者柳下

惠少連辟色者荷蕢楚狂接輿辟言者七當為十字

之誤也同

疏十
四

七人伯夷叔齊虞仲夷逸朱張柳

下惠少連樂釋疑

孟子疏
十三上

子路宿於石門晨門曰

石門魯城外門也晨門主晨夜開閉者鄭注

後漢書注六十

下

深則厲

由膝以上為厲同

詩疏二之二

高宗諒陰

諒闇謂凶廬也同

後漢書注四十四

原壤

孔子幼少之舊故同

魏書八十四

衛靈公

在陳絕糧

糧

糴糧也鄭注

影宋蜀本音義

斯濫矣

濫竊也同

前同

知柳下惠之賢

柳下惠魯大夫展禽食采柳下諡曰惠同

文選注五十七

動之不以禮

夫知及以得其失也蕩仁守以靜其失也寬莊莅以威其失也猛故必須禮然後和之以禮制知則精而不蕩以禮輔仁則溫而不寬以禮御莊則威而不猛故安上治民莫善於禮李充注 知以通其變仁以安其性莊以安其慢禮以安其情化民之善必備此

四者顏延之

並疏
十五

固相師之道也

相扶工鄭注

儀禮疏四

季氏

自諸侯出

亦謂幽王之後也鄭注

賈公彥序周禮廢興

平王東遷政始

微弱同

詩疏四之一

四世矣

文子武子悼子平子同

高麗本集解八

狎大人

狎慣忽之言慣見而忽也同

書疏十一

大人謂天子諸

侯為政教者同

儀禮疏三

陽貨

陽貨欲見孔子

陽貨名虎字貨孔解

歸孔子豚

豚豕之小者同

並孟子疏六十

子路不說

夫子豈實之公山佛胥乎欲往之意以示無係以觀
門人之意子路見形而不及道故聞乘桴而喜聞之
公山而不說升堂而不入室安得聖人之趣江熙解

疏十
七

吾其為東周乎

興周道於東方故曰東周孔解

筆解
下

據時東周鄭

注 詩疏四
之一

吾豈匏瓜也哉焉能繫而不食

不得如不食之物繫滯一處孔解

筆解下

我非匏瓜

焉能繫而不食者冀往仕而得祿鄭注

文選注十一

予也有三年之愛於其父母乎

爾時禮壞樂崩三年不行宰我大懼其往以為聖人無微旨以戒將來故假時人之謂啓憤於夫子義在

屈己以明道也繆協

疏十一

君子有勇而無義為亂

既稱君子不職為亂階也其於赴患致命而不知正

顧義者則亦陷於為亂而受不義之責李充注

史記注六

七十

惡許以為直者

發人之私曰許孔解

蔡集說九

微子

殷有三仁焉

三人行異而同仁其憂亂寧民孔解

筆解下

箕子比

干不忍去皆是同姓之臣者親屬之恩君雖無道不

忍去之也然君臣義合道終不行雖同姓有去之理

故微子去與箕子比干同稱三仁鄭注

詩疏二

吾老矣不能用也

聖道難行故言老不能用孔解

筆解下

孔子下

下堂出門也鄭注

釋文二十四

滔滔

悠

者

悠悠者周流之貌孔解

史記注四十七宋本
文選注四十九

天下有道丘不與易也

言凡天下有道者已皆不與易也已大而人小故也

同 高麗本
集解九

子路從而後

孔子至蔡解於客舍人夜有取孔子一隻履去盜者
寘履於受盜家孔子履長一尺四寸與凡人履異論

語隱義注 御覽六百
九十八 論語隱義 事物紀
原三

以杖荷蓀

蓀草器名包章句

史記注
四十七

朱張

字子弓荀卿以比孔子王弼注

釋文二
十四

言其行與

孔子同故不論也同

疏十
八

放言

放置也置不復言世務包章句

史記注
四十七

我則異於是

不為夷齊之清不為惠連之屈故曰異於是也鄭注

後漢書注

六十一

大師摯適齊

師摯以下周平時人同

漢書注
二十

亞飯干適楚三飯繚適蔡四飯缺適秦

亞飯三飯四飯皆舉食之樂同

周禮
疏四

故舊無大故

大故謂惡逆之事同

朱校宋本禮
記疏十四

周有八士

宣王時劉向

馬融訓說

並釋文
二十四

周公相成王時

所生鄭注

詩疏十
六之三

子張

雖小道

小道如今諸子書也鄭注

恐泥

泥謂滯陷不通同

並後漢書
注六十下

其不改父之臣與父之政

謂在諒陰之中父臣及父政雖有不善者不忍改也

馬說

集解
十

堯曰

天之歷數在爾躬

謂有圖錄之名鄭注

書疏
四

敢用玄牡敢昭告于皇皇后帝

帝太微五帝同

詩疏二
十之二

用玄牡者為舜命禹事於

時總告五方之帝莫適用用皇天大帝之牲同

書疏
八

帝臣不蔽

桀居帝臣之位罪過不可隱蔽包章句

筆解下

簡在帝心

簡閱在天心言天簡閱其善惡也鄭注

書疏八

古經解鈎沈卷二十五